

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第七十七輯

沈雲龍主編

陳東塾（禮）先生年譜

汪宗衍著

文海出版社有限公司印行

汪宗衍撰

陳東塾先生年譜

陳東塾先生年譜

汪宗衍撰

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





陳東塾先生遺象

考達尊元先生處年極情其性溫慈不教書

賢 言 策 詔 關 文 譚

書以奉酬近年得後大若竊軒性迴悵

庚午歲讀浙州策問版磨至今十二年矣

十 觀 福 有 周 我 必


己卯十月之望陳法蘭書并識

陳東塾贈之張洞篆書楹帖

扇畫芝靈仙水壘東陳







扇畫作合林大鄧、靖鄭與塾東隱

# 陳東塾先生年譜

先生姓陳，名澧，字蘭甫，集外文自述。一字蘭浦，先生有陳蘭浦氏朱文方印，又與碩卿姪手札款署蘭浦。讀書處曰東

塾，集外文東塾讀壽記自序。學者稱東塾先生。陳樹鏞學思日記。先世本居紹興住墅村，六世祖自湖公宦

於江寧，卒官，貧不能歸，葬鍾山之麓，遂爲上元人。呂堅遲刪集布政使司理問銜陳君墓志銘。祖尙志公

再遷廣東，廖廷相等編刻東塾集（以下簡稱本集）先祖尙志府君家傳。至先生乃占籍爲番禺縣人。番禺縣志本傳。

會祖名□，字可均，妣韓，繼妣喻。本集先祖尙志府君家傳。東塾類稿會祖妣韓宜人墓告示碑陰記云：「江寧先世墓皆族葬，其地曰吳家窪，曰大塘

陳，曰朱家牌樓，惟會祖妣韓宜人墓在陶吳領龍王廟前。」

祖名善，又名士奇，字尙志，號虹橋，又號畸人。性好施與，衆稱爲陳菩薩。以

家貧之廣東，依舅氏韓公。好讀書，六藝諸史靡不通曉，尤精術數之學，占則屢

中，然義所當爲者不占，卽爲人占，必先正其誼，而後及乎趨避，人或迂之弗顧

也。晚好爲詩，出語清快，觸有天趣，而渾其工鍊之迹。捐納布政使司理問銜。

卒于嘉慶九年七月初九日。著有雙字類箋二卷，焚餘詩草一卷，錢卜一卷。呂堅

(石帆)爲撰墓志銘及題陳丈虹橋詩卷卽以作追輓詩。祖妣沈。遲刪集，本集先祖傳志府君家傳。集外文

三集記云：一。魯家在廣東省城，祖墓在茶坑。一。按茶坑在廣州大東門外。

父名大經，又名立本，字翼亭，號新齋。以未入籍不得應試，乃棄舉業爲吏，又

棄去爲商，又棄去。治事精敏，兩廣總督吉慶稱爲能吏才，勸之仕，乃捐納知

縣。事親以孝稱，雖困乏而奉養豐腆，不使父母知其貧。喜讀通鑑，老病猶臥讀

之。本集先考知縣府君事略。呂堅有贈陳翼庭詩。遲刪集。本集先妣劉生妣王。詳咸豐三年譜內。

叔父名大綸，本集先祖尙志府君家傳。字秋崖，一字畫齋。博雅好古，與呂堅交摯，嘗以所藏

陳子壯書卷摹泐上石，堅爲之跋，堅又有讀陳秋崖小影詩題贈，及陳秋崖更字畫

齋作詩贈之且以爲壽。遲刪集。子二，長名沂，次名澍，爲先生從兄。遲刪集陳虹橋先生家譜序。

先生兄弟二人，伯兄名清，字天一，劉宜人出，次卽先生。集外文自述，陳氏家譜。與從兄行，

則先生居四。張維屏與先生手札。姊一，劉宜人出，適候選郎中仁和湯爾泰。本集先考知縣府君事略。


伯兄子三，長名宗元，字小峯，先先生一歲生。次名宗彝，字月湖，三名宗彥，

字碩卿。本集書尉先生，陳氏家譜。


配室潘氏，副室江氏，潘氏見譜內。

先生子四，長宗誼，次宗侃，三宗詢，四宗穎。見譜內。

附番禺陳氏世系表



陳東塾先生年譜



清仁宗嘉慶十五年庚午（一八一〇）一歲。

二月十九日，先生生於廣東省城木排頭里第。

按先生自記云：「嘉慶十五年二月十九日，生於木排頭舊宅，舊宅者，昔時二

宅也，予生於三廳廂房。」本集止齋記云：「先君書室之名，在舊宅之西偏，後與叔父分居，先君居東偏。」據此，先生生於祖宅之西偏，後居東偏，先生寫自記時，叔父秋崖公已卒，所云昔時二宅，秋崖公所居處也。

是年，父翼亭公年四十二歲，

本集先考知縣府君事略。

祖尙志公卒後六年。

本集先祖尙志府君家傳。

張

維屏（南山）三十一歲，侯康（君模）十二歲，桂文耀（星垣）四歲，楊榮緒（浦香）二歲。

嘉慶十六年辛未（一八一—）二歲。

嘉慶十七年壬申（一八一—）三歲。

欽嗽幾死。自記。

嘉慶十八年癸酉（一八一—）四歲。

林清入清宮內城起義被逮。

嘉慶十九年甲戌（一八一—）五歲。

先生言：「幼時爲姊湯宜人愛憐，常嬉戲其家，堂羅衆賓，歌舞喧闐，百戲競作，時或清暇，宜人晨興，理妝畢，携余手隨步以出，登小樓，眺假山，

觀紅魚，弄鸚鵡，樂之忘歸。」

本集亡姊湯宜人墓碑。

嘉慶二十年乙亥（一八一五）六歲。

讀表兄徐達夫時文。自記。

嘉慶二十一年丙子（一八一六）七歲。

二月，入塾，徐達夫爲師，授讀論語、唐詩。

自記，本集徐達夫先生試律詩序。

翼亭公曰，此子

能讀書。默記云：「余幼時，先君云：此子能讀書，惜不能記。余老矣，讀書不敢不勉，但思數十年讀書，皆不能記，與不讀等，乃歎一生病痛，先君早已斷定，信乎知子莫若父也。」按先生所著東塾讀書記，殆所由命名歟。先生七歲上學時之硯，琢一牛橫眠，其後先生題曰：「千仞庵珍藏。」並爲之銘曰：「童時頭角頗可喜，而今老矣堅臥不起，何以飲之硯池水。」本集。

嘉慶二十二年丁丑（一八一七）八歲。

徐達夫授讀唐詩、論語，半年去，尉繼蓮繼授論語。時兄子宗元同讀書塾中，繼蓮乃翼亭公秋崖公受業師也。自記，本集書尉先生。

嘉慶二十三年，戊寅（一八一八）九歲。

鄭光宗授讀論語、大學、中庸、孟子。自記，本集先祖尙志府君家傳。

初學作詩及時文。自記。

九月，阮元（雲臺）來任兩廣總督。

嘉慶二十四年己卯（一八一九）十歲。

鄭光宗授讀孟子、詩、易、書。自記。

四月初一日，翼亭公卒，年五十一，後先生作事畧一篇。本集。

五月，暑病幾死，服醫師陳沛良大承補氣湯乃愈。自記。先生謂：「病時夢大火，中有五色輪搜身其中，此列子所謂陽氣盛則夢涉大火而燔炳，而或者以爲文字之祥，非也。」默記。

是年，徐繼紹（禮耕）卒，後其子顥（子遠）請先生作墓碣銘。本集。



鄒伯奇（特夫）生。

嘉慶二十五年庚辰（一八二〇）十一歲。

鄭光宗授讀尚書、禮記。自記。

宣宗道光元年辛巳（一八二一）十二歲。

王和鈞（關石）授讀禮記。自記。

四月，作時文成篇。自記。

道光二年壬午（一八二二）十三歲。

胡徵麟（禹庭）授讀左傳。自記。

先生自言：「余年十三歲時，乳母以金環約其腕，余曰：此女子之物也。強更約之，余觀乳母不在，脫環棄之。至夜就睡，乳母循余腕無環，問曰：環何在。余曰：棄之矣。問棄何處，曰：三廳椅子下。即持火覓得之，後不復以此強余也。」默記。

道光三年癸未（一八二三）十四歲。

胡徵麟授讀左傳。自記。

冬，出考縣試。自記。

道光四年甲申（一八二四）十五歲。

府試第八名，學院試，墨汙卷不取。自是胡徵麟命先生專讀時文，不授經書。自記。

十一月，伯兄清卒。自記。先生言：「劉宜人惟生我伯兄清，年方壯而卒，宜人恆悲泣。當是時，禮與兄子宗元甫成童，宜人督察嚴密，聞塾口無讀書聲，則呼入問曰：先生在否，對曰：不在，則罵曰：先生帶爾口去耶。親表往來者，宜人至屏後聽其言，或不正，即斥遠之。禮表兄陶濟之招禮及宗元晚飯，秉燭歸，宜人怒責之，並責濟之曰：此兩孤兒無教，爾長者乃與夜飲耶。及禮與宗元既長，宜人稍歡樂之。」本集先妣劉氏宜人事略。

冬，總督阮元建學海堂於粵秀山，以經史詞章課士。同治番禺縣志，學海堂集卷十六。

劉恭冕（叔俛）生。

道光五年乙酉（一八二五）十六歲。

從胡徵麟學。自記。

肄業於羊城書院，院長謝蘭生（里甫）。

本集謝里甫師畫跋，南海縣志謝蘭生傳。

先生自言：「十五六歲時，篤好爲詩，立志欲爲詩人。稍長知有經史之學，雖好之，不如好詩也。」

本集與陳慈叔書。

胡錫燕（伯薊）生。

道光六年丙戌（一八二六）十七歲。

從胡徵麟學。自記。

阮元頒發學海堂章程。始設學長，學長爲吳蘭修（石華）、趙均（平垣）、

林伯桐（月亭）、曾釗（勉士）、徐榮（鐵孫）、熊景星（笛江）、馬福安

（止齋）、吳應遠（雁山），

學海堂志。

夏，阮元移節雲貴總督。

學海堂專課章程。學經室續集七，有劉樸石彬華、何湘文南鈺、謝星甫蘭生、胡香海孫、張崇之業兩、李輔子輔平諸書院院長，暨

學海堂學博生徒，皆有圖詠贈別，題答一首。

七月，督學翁心存（二銘）考取爲縣學生員。自記，集外文自述。  
道光七年丁亥（一八二七）十八歲。

從胡徵麟學。自述。

科試第一名，同時諸名士皆出其下，集外文自述。補增生，旋補廩生。自記。督學翁

心存嘗告先生曰：漢儒之學如治田，宋儒之學如炊米爲飯，無偏重也。本集翁文

端公神道碑。命入粵秀書院肄業，院長陳鍾麟（厚甫）極賞譽之。集外文自述。與楊榮緒，

盧同伯（七橋），桂文耀爲友，時有楊、陳、盧、桂之目。同伯早卒，先生

與文耀、榮緒交最厚，過從尤密，以勸善規過相要約，情若兄弟，終身不

衰。本集桂君墓碑，張維屏藝談錄。

初見張維屏（南山），得先生詩大賞之，教以詩法。本集與陳懿叔書。與讀書法。先生嘗

作感舊詩云：「我年未弱冠，初見張南康，請問讀書法，乞爲道其詳。答云

四庫書，提要挈其綱，下門兼萬戶，眞如古建章，從此識門徑，漸可升其

堂。又言讀書者，古書味最長，當時一古字，語重聲琅琅。我得此二語，

如暗室得光，我舉此二語，先生云已忘，賤子不敢忘，書此什襲藏。」東塾先生

遺詩。其後先生教門人，亦以餘功讀四庫全書提要也。與菊坡精舍門人論學手札。

先生自言：「治易似在此年。」自記。問經學於侯康（君模）。集外文自述。

先生自言：「余之治經自易始，時方弱冠，讀漢、唐、宋及近儒說易書三年，茫然無所得，乃置之而治他經。」集外文葉衍桂周易象義測序。按先生治易宗費

子作十篇，乃經注之祖，費氏以十篇解說上下經，乃義疏之祖。費氏書已佚，而鄭康成、荀慈明、王輔嗣皆傳費氏學，先生嘗欲作周易費氏義，惜其書未成也。（默記，東塾讀書記四，陳慶笙文集。）

道光八年戊子（一八二八）十九歲。

肄業於粵秀書院。自記。

鄉試不中。自記。

道光九年己丑（一八二九）二十歲。

肄業於粵秀書院，時與楊榮緒在樓中讀書作文。自記。

道光十年庚寅（一八三〇）二十一歲。

肄業於粵秀書院。自記。

史善長（春林）卒，後先生爲作傳。本集。

道光十一年辛卯（一八三一）二十二歲。

肄業於粵秀書院。自記。

鄉試不中，督學徐士芬（辛庵）考選爲優行貢生。自記。同舉者譚瑩（玉生）

楊懋建（掌生）皆有時名。

沈澤棠撰庵隨筆。

有與桂星垣書云：「言別以來，寒暑將周，

時於家書，幸悉佳暢，聽雨之屋，其樂靡涯，拙爲歌詩，字倘未減。（原

注：星垣取蘇詩，署其屋曰聽雨，余作歌三章書其後。）澧懷璞再擯，旅食

待時，來日利鈍，復不可知，譬之揚舲渤海，委逆順於飄風，植苗清圳，聽

榮悴於春澤，素無終生棄繻之狂，亦鄙馬卿題柱之意，深懼關門騰笑，高車

虛語，惟隙駟不留，箕山逾廢，爲知我愧耳。離索滋永，鄙吝爲憂，惟望俯

謝林居，回翔玉署，明星有爛，秣前馬於秋期。（原注：時星垣猶未娶）綠波

可泛，發輕輶於春水。逮南轅之未返，展燕郊之良覲，從容言讌，載慰飢渴，

幸甚，幸甚。

集外文。按先生本年再應鄉試不中，故云懷璞再擯。星垣道光九年己丑進士，時將散館，故望其回翔玉署，爲本年作。原注云云，殆爲錄存時所加。

讀四庫簡明目錄。自記。

謝蘭生卒。謝氏家譜。後其子念因（介亭）以遺著請先生編定。本集謝里甫師實跋。

道光十二年壬辰（一八三二）二十三歲。

正月，陳鍾麟歸杭州。自記。

陳鴻墀（範川）來粵，掌教粵華書院。陳鴻墀抱齋山道人遺稿。先生與梁梅（子春）、侯

康、譚瑩、兄子宗元從受業，時粵之名士吳蘭修、曾釗亦常與游。鴻墀築亭

於書院，曰載酒亭，環植花木，與諸人論辨書史，酬酢歡暢，間述乾隆、嘉慶

時名賢碩儒言行，感憤時事，慷慨激烈。本集陳範川先生詩集後序。

讀禹貢錐指。自記。

秋，應鄉試，中第十八名舉人。自記。四書首題：「子曰君子無所爭」一節，

次題：「能盡物之性」二句，三題：「卿以下必有圭田」二節，詩題：「羅浮

見日鷄一鳴」，得「先」字。程恩澤程侍郎集，趙學曾國朝貢舉考略續編，倪鴻試律新話。考官爲程恩澤（春海），

祁福山（伯衡），本集祭溫伊初文。同舉者：儀克中（墨農）、溫訓（伊初）、黃玉階

(蓉石)、梁國珍(玉臣)、龐文綱(乾生)皆有時名。廣東鄉試題名錄，鄭珍舉經巢詩集。按廣州府志，道光

十一年辛卯萬壽，以正科作恩科，十二年補行辛卯正科。後先生有祭溫伊初文，述是科策題云：「爰有魁儒，

持節蒞止，命題發策，苞絡圖史。參天兩地，弱水黑水，甘石之書，輿地

之紀。旁要夕桀，天元之理，設科百年，曾未睹此。」本集。又是科策問算

術，無能對者，侯康歎曰：「讀書雖多，而不學算，今爲考倒矣。」本集梁南溟傳。

乃邀先生與章鳳翔(雲駟)、侯度(子琴)，同請梁漢鵬(南溟)學算於獅

子禪林。自記。

冬，北上會試。自記。

是時人皆謂宜得一甲翰林，先生謂願得縣令，或有益於一方。本集與黃理厚書。與梁國

珍、龐文綱同行。自記。舟中與國珍唱和甚歡。本集與陳聽叔書。有臘月舟過韶州，聞

星垣編修已南下賦此卽寄一首。遺詩未收。觀音巖一首。過惶恐灘作家書一首。

阻風滕王閣下，張祥鑑(韶臺)招飲醉後作歌一首。十二月十九日大風雪，

登滕王閣，與梁國珍、龐文綱兩同年拜東坡先生生日，以滕王閣三字分韻得



王字一首。寒鴉曲一首。舟中除夕一首。遺詩。

道光十三年癸巳（一八三三）二十四歲。

正月十日謁陳鍾麟於杭州，招遊西湖，有詩四首。

自記，遺詩。按詩中有纒欣西子初相識之句，當是初游西湖

之作。

至蘇州，有山塘元夜詩一首，登虎邱浮圖絕頂歌一首。遺詩。短簿祠一首據詩

遺詩未收，短簿祠在虎丘靈巖寺，祀晉司徒王珣。

會試不第。僕人盜二百金。自記。

南歸，與梁國珍同行。前此先生喜作詩，常與談詩，國珍勸勿作，遂止。自記。

先生言：「少時喜爲詩，年二十四歲始棄，自此以後，興到爲詩者，一年不過數首，亦竟有終年無一首，偶有應酬之作，皆不愜意，迫於不得不作耳，故皆不存稿也。」默記。按先生詩集無手定稿，家大人採輯古今體詩凡二百六十餘首，刻爲一卷。

九月，元配潘宜人來歸。自記。按先生論印詩注云：「季彤觀察余妻兄。」季彤爲潘正燾，是番禺潘有度之女也。

十月，張際亮（亨甫）來粵，始訂交。十二月歸，先生賦詩二首寫扇贈之，

並題其南來詩錄，際亮有詩寄酬。

讀詩，張亨甫詩集，張亨甫年譜。

十一月，先生偕侯康、桂文燿、兄子宗元，同游蘿岡觀梅花，題名刻石。

番禺縣續志。

道光十四年甲午（一八三四）二十五歲。

始著漢地理圖。

自記。詳道光二十六年條。

讀文選。自記。

治穀梁春秋，侯康出示所著穀梁禮證曰：「此傳今爲絕學，君當努力，吾方

治諸史，未暇卒業，異日君書成，當以相付。」因舉鄭康成、服子慎說左傳

事，相與懽笑。

本集穀梁禮證序。

總督盧坤（靜之），選高材生肄業於學海堂，曰專課生，課以十三經、四

史、文選、杜詩、韓文、朱子書。每人專習一書，其事四條，曰句讀，曰鈔

錄，曰評校，曰著述。先生爲舉首，同舉者，張其翮（雁泉）、吳文起（鶴

岑）、朱次琦（子襄）、李能定（碧舫）、侯度（子琴）、吳傳（次人）、金錫齡（芑堂）、潘繼李（文彬）、許玉彬（青皋）。學海堂志。冬，北上會試，與謝念功（堯山）同行。自記。

道光十五年乙未（一八三五）二十六歲。

正月，謁陳鍾麟於杭州。自記。

抵京，寓國祥寺。自記。

會試不第。移寓梁國珍家。是時讀毛詩、漢書、文選，學篆書。暇則至琉璃廠買書，或與梁國珍、龐文綱、謝念功飲酒。自記。有答楊浦香書云：「前辱賜書，文采委曲，循誦反覆，良喻於懷。足下棄蘇季揣摩之術，篤江都下帷之志，究洞許書，熟精蕭選，甚善，甚善，近所造術，知益斐然。昔相如、子雲賦頌之首，而凡將、訓纂甄極小學，劉彥和云：文字乃言語之體貌，文章之宅宇，鴻筆之徒，莫不洞曉，豈不然乎。禮夙附同志，妄希成學，數年以來，消良時於行邁，紛古情於干祿，古之學者，三十而五經立，禮今年二十

有六，已迫此期，未名一藝，少壯若此，中年以往，行復可知。今方抱和氏之璧，索東方之米，巢居甲第之間，躑躅華畿之後，昔翟子威之詣博士，織履之母偕行，王仲卿之學長安，牛衣之婦相泣，今之行役，何以得此。况乎斷金諸彥，咸稽鄉土，每念曩昔，斗酒相樂，命儔嘯侶，辯析經傳，競說字解。高談未終，謔浪間作，酬酢闋於廣坐，歌呼震乎屋瓦，孟公有投轄之狂，徐孺有下榻之樂，及今思之，闕若參辰，邈若墜雨，徒益離索之感耳。

集外文。  
按此書爲

道光十五年會試後留京時寄粵，時浦香未鄉舉，故望其就徵公車，乃浦香果以是秋中舉也。

先生在京師，常與翁同書（蔣房）唱和。程恩澤與先生言：「近人詩多困臥紙上。」先生呈所爲詩，恩澤大喜曰：「此能於紙上躍起者。」時先生讀書益多，於小學、音韻、天文、地理、樂律、算術、古文、駢體文、填詞、篆、隸、真、行書無不研究。楊榮緒規先生曰：「東坡所謂多好竟無成，不精安用夥，君之謂也。」先生乃稍稍減損。本集與陳  
總叔書。

秋，溫訓有柬陳蘭浦孝廉二首。

梧溪石屋詩鈔五，詩云：「茫茫萬人海，出門何所之，旅食易感秋，竟夜心不怡，念我同門友，結契方在茲，既來

我不厭，不見令我思。其人有奇氣，精悍見雙眉，磔硯百尺松，汪洋千頃波。啓口到著述，恆愧寄人籬，嗟子齒猶未，孟晉猶可期。一十二萬年，人生能幾時，努力身後名，經史以爲資。」又云：「日月鏡萬古，精芒不銷鑠，聖賢垂千禩，鴻名豈寂寞。天地果有初，荒渺難測度，崑崙壓神州，旁隕坤輿博。賈胡亦有書，鴻荒亦有作，置身天地中，地席天爲幕。萬古入我懷，萬里歸我脚，著書不用，衆生何所託。陳子知此意，盛氣復磅礴，纍余更何言，此中有衆籥。」

冬，移寓崇文門內靈祐寺。自記。

是年，蓋撰三統術詳說四卷。廖廷相（澤羣）跋云：「術之見於史志者，以三統爲最古，然其中黃鍾易策，與夫乘加參合等數，多傳會假託之辭，而又顛倒其次第，繁亂其名目，讀者每以艱深苦之。錢辛楣，李尙之，董方立諸家，雖嘗爲發明，而未覺其立言之病，閱之仍不易解。先生少讀班志，爲鈎稽剖演，而隱者以顯，蹟者以明，成詳說四卷，藏之篋中，未及寫定。」

原書跋。按此書無撰作年月可考，當是讀漢書與治天文算術時所作，故編於此。

道光十六年丙申（一八三六）二十七歲。

寓靈祐寺，侯康、侯度、金錫齡抵京，同寓寺中。自記。有春日寓靈祐寺

詩。遺詩。會試不第，惠郡王請館於其府，辭之。與侯康、侯度南歸，大暑遊

西湖。自記，按清史穆皇子年表五，穆懷仁宗第五子，嘉慶二十五年封惠郡王，道光十九年晉惠親王。

五月十三日，劉太宜人卒。時先生舟次南雄，亟奔喪。會舟涸水絕，不能

行。本集劉宜人事略。七月，到家。自記。後先生作有事畧。本集。

讀後漢書。自記。

吳蘭修編刊學海堂二集，先生所爲季課文，有騷牝三千解一首，春秋劉光伯

規杜辨二首，書江長庭徵君六書說後一首，素馨燈賦一首。原書序目。

道光十七年丁酉（一八三七）二十八歲。

館於張維屏家，其子祥晉（賓嶠）從學，九月中鄉試，遂解館。自記。

始著切韻攷。自記。

讀後漢書、三國志、徐孝穆文。自記。

程恩澤卒。蒙經室集程侍郎墓志銘。陳鴻墀卒。潘正亨（伯臨）卒。見下年條。侯康卒。自記。儀

克中（墨農）卒。

會銜而城樓集  
儀晉墓志銘。

道光十八年戊戌（一八三八）二十九歲。

館於功德林禪院，虞必芳（子馨）十餘人從受業。自記。有答梁玉臣書云：「前辱覆書，文采溢目，復不棄其愚陋，相與商榷經義，辨析家法，幸甚，幸甚。又以君模善病，慮其覃思嘔心，乃尺書未達，而此君已長逝矣。嗚乎！侯生，生年短於顏淵，死日貧於黔婁，家有老母，年近八十，妻猶新婚，子又幼稚，文人命厄，乃至於此，傷哉，傷哉。先師程侍郎，學殫九流，文成一冢，一旦隕萎，海內儒者，莫不流涕，况禮與足下著錄弟子，痛何可言。禮棘人孿孿，加以師友零落，半年之間，五哭寢門，（原注：程侍郎春海先生、陳舍人範川先生、潘伯臨比部、侯君模孝廉、儀墨農孝廉。）舊淚未晞，新淚已續，實難爲心。侍郎著述，成者何書，足下倘得收之。君模所成，十未及五，檢其遺篋，多有錄無書者，故知學人當及時撰述，如其隙駟不留，尺波電謝，一坯之土，牧童高歌於其上，颺旌啼竄於其下，誰知柏下之骨，曾飢

萬卷哉。禮今年寄跡僧舍，自課兄子，亦有學徒來此問學，講業之外，必當成所爲書，不負知己。」

集外文。按書云寄跡僧舍，當爲本年設館功德林時作也。

著切韻考。始著說文聲統。自記。有答楊浦香書云：「去歲辱書，久未裁答，近見令弟，知仍爲府尹曾先生課子，旅食京國，得主名卿，甚善，甚善。深居京兆之府，高擁臬比之坐，酬接日寡，鉛槧日親，撰述自多，凡有新知，幸以相示。禮今年亦教授鄉里，假館僧舍，既講舉業，還讀我書，所述說文聲表，粗已成編，復以訓詁之餘，辨析名物，述經傳羣書之言，依爾雅釋名之體，已成數篇，但未卒業耳。禮嘗以爲班孟堅有言，幼童而守一藝，白首而後能言，此古今之同患也。夫治經者，將以通其大義，得其時用也。若乃小學一道，經術首基，近世儒者，咸知考索，然或蒼雅甫明，華嶺已至，窺堂陟奧，俟之何年。又諸儒之書，多宏博之篇，寡簡易之作，可資語上，難喻中人，故童蒙之子，次困之材，雖有學山之情，半爲望洋之嘆，後學未振，或此之由。禮所爲書，事繁文省，旨晦詞明，思欲視而可識，說而能解，庶



幾稽古之初牒，研經之先路，若乃方聞碩學之彥，沈博澹雅之才，見而陋之，亦無憤焉。相見有時，當得就正。」集外文先生嘗欲著名物記、初學編，

殆發軔於此時矣。

參著述目及道光三十年，咸豐元年，五年條。說文聲表初名聲統，書作聲表，疑錄存時所易。初學編如今之學校教科書，可見先生之教育思想。

九月，作百字令題桂文耀玉堂歸娶圖詞。

陳援庵先生勵耘書屋藏本。憶江南館詞未收。

十月十三日，撰侯康傳成，詣小北門外白雲庵其殯祭之，撰祭文。本集。

十一月，林則徐拜欽差大臣，馳赴廣州，查辦海口事件。

道光十九年己亥（一八三九）三十歲。

仍館於功德林禪院。自記。

納副室江氏。自記。

十一月，長子宗誼（孝通）生，元配潘宜人出。本集長子宗誼墓碣銘。

姪孫慶修（念孫）生。後補廩生，光緒乙酉科舉人。廣東文蔚鄉試題名錄。

適湯氏姊卒，爲撰墓碑銘。本集。

先生三十以後，精力愈盛，讀書恒至夜分，心有所得，即手錄之，積稿數百